

অধ্যায়-৬

বাংলাদেশের সংস্কৃতি ও সভ্যতা এবং বাংলাদেশের বিভিন্ন ক্ষুদ্র
নৃতাত্ত্বিক গোষ্ঠী

SOS**অতি সংক্ষিপ্ত প্রশ্নোত্তর :******* ১। সংস্কৃতি (Culture) কী?**

বাকাশিবো- ২০১৫, ১৬, ১৭, ১৮

উত্তর : সংস্কৃতি হল মানুষের আচরণের সমষ্টি। সমাজের সদস্য হিসেবে মানুষ সমাজ থেকে যা কিছু অর্জন করে তা-ই সংস্কৃতি।

***** ২। প্রত্নতত্ত্ব কী?**

বাকাশিবো- ২০১৯

উত্তর : প্রত্নতত্ত্ব হলো প্রাচীনযুগের সংস্কৃতির ধ্বংসাবশেষ অধ্যয়ন।

***** ৩। আদিবাসীর সংজ্ঞা দাও।****অথবা, ক্ষুদ্র নৃগোষ্ঠী কাকে বলে?**

বাকাশিবো- ২০১২, ১৩, ১৮, ২৩

উত্তর : আদিবাসী তারা যারা একটি নির্দিষ্ট রাষ্ট্রে বংশানুক্রমে ও উপনিবেশ সৃষ্টির শুরু থেকে বসবাস করছে এবং যারা আলাদা রাষ্ট্র গঠন করতে পারেনি কিন্তু নিজস্ব একটি আলাদা সংস্কৃতি গড়ে তুলতে সামর্থ্য হয়েছে।

***** ৪। মহাস্থানগড় প্রাপ্ত প্রত্নতাত্ত্বিক নিদর্শনসমূহ কী কী?**

উত্তর : মহাস্থানগড়ে প্রাচীন সভ্যতার যে-সব নিদর্শন পাওয়া গেছে তাদের মধ্যে বৈরাগীর ভিটা, মুনিরা ঘোন, গোবিন্দভিটা, খোদাই পাথর ভিটা, মানকালীর কুণ্ড, জীয়ৎ কুণ্ড, শীলাদেবীর ঘাট, শীলালিপি প্রভৃতি উল্লেখযোগ্য।



**** ৫। সোমপুর বিহার কোথায় অবস্থিত?**

বাকাশিবো- ২০১৭, ১৮, ১৯

অথবা, সোমপুর বিহারের পরিচয় দাও।

উত্তর : নওগাঁর পাহাড়পুরে সোমপুর বিহার অবস্থিত। প্রত্নতাত্ত্বিক খননকার্যের ফলে ভারতীয় উপমহাদেশে যত বৌদ্ধবিহার আবিষ্কৃত হয়েছে তার মধ্যে পাহাড়পুরের সোমপুর বিহারই আয়তনের মধ্যে সবচেয়ে বড়। দীর্ঘ ১১ বছর যাবৎ খননকার্যের ফলে এটি আবিষ্কৃত হয়।

**** ৬। এদেশের আদিবাসীদের প্রধান পেশা কী ছিল?**

বাকাশিবো- ২০১৩

উত্তর : এদেশের আদিবাসীদের প্রধান পেশা জুমচাষ, ধান, ডাল, সরষে, তিল ও বিভিন্ন শস্যের চাষ।

**** ৭। চাকমা আদিবাসীরা বাংলাদেশের কোন কোন জেলায় বাস করে?**

বাকাশিবো- ২০১৫

উত্তর : বাংলাদেশের দক্ষিণ-পূর্বাঞ্চলের পার্বত্য অঞ্চল তিনটি জেলায় বিভক্ত-রাঙামাটি, খাগড়াছড়ি ও বান্দরবন। বাংলাদেশের এ তিনটি জেলাতেই চাকমারা বসবাস করে। তবে রাঙামাটি জেলাতেই সবচেয়ে বেশি চাকমা বাস করে। এর পরই খাগড়াছড়ির স্থান।

***** ৮। বিবু উৎসব কী?**

বাকাশিবো- ২০১৭, ১৯

উত্তর : ধর্মীয় আচার-উৎসবের বাইরে পার্বত্য আদিবাসীদের সবচেয়ে বড় উৎসব বিবু। বাংলা নববর্ষ উপলক্ষ্যেই এই উৎসব পালন করা হয়।



*** ৯। ময়নামতি কোথায় এবং কী জন্য বিখ্যাত?

বাকাশিবো- ২০১৭'পর, ১৯'পর

উত্তর : কুমিল্লা জেলা শহরের ৫ মাইল পশ্চিমে ময়নামতি অবস্থিত। খ্রিষ্টীয় অষ্টম থেকে দ্বাদশ শতাব্দী পর্যন্ত এ অঞ্চলে বৌদ্ধ সংস্কৃতি ও সভ্যতার বিকাশ ঘটে। এখানে প্রাপ্ত ঐতিহাসিক প্রত্নতাত্ত্বিক নিদর্শনের জন্য ময়নামতি বিখ্যাত।

** ১০। বাংলাদেশের একমাত্র মুসলিম উপজাতি কোনটি?

বাকাশিবো- ১৪

উত্তর : বাংলাদেশের একমাত্র মুসলিম উপজাতি পাওন।

** ১১। রাখাইনদের আদি বসতি কোথায় ছিল? এরা বর্তমানে বাংলাদেশের কোথায় বসবাস করে?

বাকাশিবো- ২০১৪'পর

উত্তর : রাখাইনদের আদি বসতি ছিলো আরাকান রাজ্যে। বর্তমানে রাখাইনরা বাংলাদেশের পটুয়াখালী জেলায় বসবাস করে।

*** ১২। সাংস্কৃতিক ব্যবধান কী?

বাকাশিবো- ২০১৭

উত্তর : সাধারণ অর্থে বলা যায়, বস্তুগত সংস্কৃতি যে গতি ও হারে বৃদ্ধি পায় বা এগিয়ে চলে অবস্তুগত সংস্কৃতি সে তুলনায় অনেক ধীরে এগোতে থাকে। ফলে উভয় ধরনের সংস্কৃতির মধ্যে একটা ব্যবধান সৃষ্টি হয়। বস্তুত এটাই হলো সাংস্কৃতিক ব্যবধান।



SOS**সংক্ষিপ্ত প্রশ্নোত্তর :**

*** ১। গারো সমাজের পরিবার ও বিবাহ ব্যবস্থা আলোচনা কর।

বাকশিবো- ২০১৭

উত্তর : গারো সমাজের পরিবার ব্যবস্থা : গারো পরিবার মাতৃসূত্রীয়। অর্থাৎ সম্পত্তি বংশ নাম মাতৃধারায় মাতা থেকে মেয়েতে বর্তায়। সেখানে মাতৃবাস রীতি অনুসরণ করা হয়, গারো পরিবার মাতৃপ্রধান। পরিবারের সম্পত্তির মালিক স্ত্রী। তবে ব্যবস্থাপনার মালিক স্বামী। তাই কোনো বিষয়ে সিদ্ধান্ত নিতে হলে উভয়েরই যৌথভাবেই সিদ্ধান্ত নিতে হয়।

গারো সমাজের বিবাহ ব্যবস্থা : গারো সমাজে মনোগামী বা যুগল বিবাহ রীতিই বেশি লক্ষ্য করা যায়। তবে বহু স্ত্রী বিবাহ একেবারে অজানা নয়। কোনো কোনো স্বামী স্ত্রীর বংশের কোনো পাত্রীকে বিয়ে করে থাকে। গারো সমাজে parallel cousin বিবাহ নিষিদ্ধ তবে Cross cousin বিবাহ অনুমোদিত। গারোদের বিবাহ সম্পত্তি মালিকানা এবং তার উত্তরাধিকার রীতির সঙ্গে সম্পর্কযুক্ত। বিবাহোত্তর বসবাস রীতি ও সম্পত্তি উত্তরাধিকার রীতির উপরই নির্ভরশীল। গারো সমাজে কন্যাকে কোন পণ দিতে হয় না। স্বামীও যৌতুক পায় না। বিয়েতে কোনো লেনদেন নেই। তবে বাঙাইল সমাজের প্রভাবে ইদানীং কোনো কোনো শিক্ষিত স্বামী যৌতুক নিচ্ছে। খ্রিষ্টান গারোদের বিয়ে চার্চে এবং সাংসারেক গারোদের বিয়ে ঐতিহ্যবাহী নিয়মে অনুষ্ঠিত হয়।



*** ২। চাকমা উপজাতি সম্পর্কে সংক্ষেপে লেখ।

বাকাশিবো- ২০১২, ২৫

উত্তর : চাকমা হচ্ছে বাংলাদেশের অন্যতম বৃহত্তম নৃগোষ্ঠী সম্প্রদায়। তারা মূলত নিজেদেরকে চাঙমা বলে পরিচয় দেয়। বিশেষ করে তারা পার্বত্য জেলা খাগড়াছড়ি, বান্দরবান, রাঙামাটি, এবং চট্টগ্রামে বাস করে। তবে চাকমাদের প্রধানত খাগড়াছড়ি, রাঙামাটি এবং বান্দরবান জেলায় অধিক দেখা যায়। এছাড়াও ভারতে বিশেষ করে অরুণাচল, মিজোরাম এবং ত্রিপুরা রাজ্যেও চাকমা বাস করে। বর্তমানে প্রায় ৭ লক্ষের অধিক চাকমা আদিবাসী রয়েছে। বেশির ভাগ চাকমা শত শত বছরের পুরাতন খেরবাদী বৌদ্ধ ধর্ম অনুসরণ করে।

*** ৩। উপজাতি কাকে বলে? জুম চাষ কী?

বাকাশিবো- ২০১৪'পরি

উত্তর : উপজাতি : উপজাতি হলো একটি সাধারণ সাংস্কৃতিক বৈশিষ্ট্যের ভিত্তিতে একটি স্বতন্ত্র গোষ্ঠী।

জুমচাষ : জুম হচ্ছে পাহাড়ি অঞ্চলে এক বিশেষ চাষ পদ্ধতি। এক্ষেত্রে পালাক্রমে চাষ করা হয়। জুম বা পালাক্রমে চাষে প্রধানত ধান ও নানা জাতের সবজি উৎপাদন করা হয়।

*** ৪। সোমপুর বিহারের বর্ণনা দাও।

বাকাশিবো- ২০১৮'পরি, ১৯

উত্তর : নওগাঁর পাহাড়পুরে সোমপুর বিহার অবস্থিত। প্রত্নতাত্ত্বিক খননকার্যের ফলে ভারতীয় উপমহাদেশে যত বৌদ্ধবিহার আবিষ্কৃত হয়েছে তার মধ্যে পাহাড়পুরের সোমপুর বিহারই আয়তনের মধ্যে সবচেয়ে বড়। দীর্ঘ ১১ বছর যাবৎ খননকার্যের ফলে আবিষ্কৃত বিশাল সোমপুর বিহারের ধ্বংসাবশেষ সমস্ত উপমহাদেশে আবিষ্কৃত বিহারগুলোর মধ্যে একক সর্ববৃহৎ বিহার। এটি উত্তর



- দক্ষিণে প্রায় ৯২২ ফুট দীর্ঘ এবং পূর্ব- পশ্চিমে ৯১৯ ফুট প্রস্থ। এর চতুর্দিকে ১৭৭ টি বাসোপযোগী কক্ষ, বিস্তৃত প্রবেশপথ, অসংখ্য নিবেদন স্তূপ, ছোট ছোট মন্দির, পুষ্করিণী ও সংলগ্ন অন্যান্য নিদর্শনগুলোকে ছাড়িয়ে রয়েছে স্থাপত্য বৈশিষ্ট্যপূর্ণ সুউচ্চ একটি মন্দির।

*** ৫। ময়নামতি কোথায় এবং কেন বিখ্যাত? বাকশিবো- ২০১৯'পরি, ২০, ২৩

উত্তর : কুমিল্লা জেলা শহরের ৮ মাইল পশ্চিমে ময়নামতি অবস্থিত।

ময়নামতিতে উত্তর- দক্ষিণ বরাবর প্রায় ১১ মাইল ব্যাপী ময়নামতি- লালমাই পাহাড়ি অঞ্চলে বাংলাদেশের অন্যতম গুরুত্বপূর্ণ প্রত্নতাত্ত্বিক নিদর্শন আবিষ্কৃত হয়েছে। খ্রিষ্টীয় অষ্টম থেকে দ্বাদশ শতাব্দী পর্যন্ত এ অঞ্চলটিতে প্রধানত বৌদ্ধ ধর্ম তথা বৌদ্ধ সংস্কৃতি ও সভ্যতার বিকাশ ঘটে। যদিও এখানকার পাহাড়গুলোর গড় উচ্চতা ৫০ ফুট তথাপি ১০০ ফুটেরও অধিক উচ্চ পাহাড়ও এখানে লক্ষ্য করা যায়।



SOS**রচনামূলক প্রশ্নোত্তর :**

*** ১। সংস্কৃতির উপাদানগুলো সংক্ষেপে ব্যাখ্যা কর। **বাকশির্বো- ২০১৮**

উত্তর : কোনো একক বিষয় সংস্কৃতির উপাদান নয়। অনেকগুলো বিষয় বা উপাদান নিয়ে সংস্কৃতি গড়ে ওঠে। এসব সাংস্কৃতিক উপাদান আমাদের সমাজেরই অংশ। নিম্নে সংস্কৃতির কয়েকটি উপাদান আলোচনা করা হলো :

১) প্রতীক বা সংকেতসমূহ (Symbols) : প্রত্যেক সংস্কৃতিই কিছু প্রতীক বা সংকেত দ্বারা সন্নিবেশিত, যা ইশারা, অনুভূতি বা প্রতিক্রিয়াকে নির্দেশ করে থাকে। আদিমকাল থেকেই এগুলো সংস্কৃতির গুরুত্বপূর্ণ উপাদান বলে পরিচিত।

২) ভাষা (Language) : ভাষাই সম্ভবত প্রতীকসমূহের পূর্ণাঙ্গ সারণি, যা মনের ভাব সম্পূর্ণরূপে প্রকাশ করে। গুরুত্বপূর্ণ উপাদান হিসেবে ভাষা সংস্কৃতিকে সমৃদ্ধ করেছে।

৩) আচরণবিধি (Norms) : সংস্কৃতির পৃথকীকরণে সবচেয়ে বেশি স্পষ্ট হয় আচরণবিধি বা আদর্শ আচরণ। দুই ধরনের আচরণবিধি সংস্কৃতির উপাদান হিসেবে পরিচিত; যথা : (ক) আনুষ্ঠানিক আচরণবিধি এবং (খ) অনানুষ্ঠানিক আচরণবিধি।

৪) আচার-অনুষ্ঠান (Rituals) : ভিন্ন ভিন্ন সংস্কৃতির অনুষ্ঠানের মাত্রা, অনুষ্ঠান পালনের পদ্ধতি, বিশেষ অনুষ্ঠান ইত্যাদির মধ্যে পার্থক্য বিদ্যমান থাকলেও এগুলো সংস্কৃতির গুরুত্বপূর্ণ উপাদান।

৫) পরিবর্তিত আচরণবিধি ও বিশ্বাস (Changing norms and beliefs) সময়ের পরিবর্তনের সাথে সাথে আমাদের আচার-আচরণ এবং

বিশ্বাসের ধরনেরও পরিবর্তন ঘটে থাকে। এসব পরিবর্তিত আচার-আচরণ এবং বিশ্বাস সংস্কৃতির উপাদান।

৬) মূল্যবোধ (Values) : মূল্যবোধ সংস্কৃতির আরেকটি গুরুত্বপূর্ণ উপাদান, যা মানুষকে ভালো ও মন্দের পার্থক্য শেখায়।

৭) নৈতিকতা (Ethics) : নৈতিকতা সংস্কৃতির গুরুত্বপূর্ণ উপাদানগুলোর মধ্যে অন্যতম। কর্মঠ, নিরলস পরিশ্রমী, কাজের প্রতি শ্রদ্ধা অনেক সংস্কৃতিরই অংশ।

৮) হস্তশিল্প (Artifacts) : হস্তনির্মিত জিনিসপত্র সংস্কৃতির ঐতিহ্যকে তুলে ধরে। কোনো সমাজের কৃষ্টি, শিল্পকলা ইত্যাদি হস্তশিল্পের মাধ্যমে ফুটে উঠে, যা সংস্কৃতির উপাদান হিসেবে পরিচিত।

*** ২। বাংলাদেশে বসবাসরত যে-কোনো একটি আদিবাসীর আর্থসামাজিক ব্যবস্থার বর্ণনা দাও।

বাকশিবো- ২০১২, ১৭, ১৯'পরি, ২৫

আথবা, গারো আদিবাসীদের সম্পর্কে একটি নিবন্ধ লেখ।

উত্তর : গারো জনগোষ্ঠী বাংলাদেশের অন্যতম একটি আদিবাসী গোষ্ঠী। নিম্নে গারো আদিবাসীদের আর্থ-সামাজিক ব্যবস্থা বর্ণিত হলোঃ

১) বাসস্থান : গারো সমাজের অধিকাংশ লোক ভারতের আসাম, মেঘালয় এবং বাংলাদেশের ময়মনসিংহ ও টাঙ্গাইল জেলায় বসবাস করে। এ ছাড়া ঢাকা রংপুর এবং সিলেটের চা বাগানে গারোরা বসবাস করে।

২) ভাষা : গারো ভাষার স্থানীয় নাম মান্দিকা। তবে ভাষাতাত্ত্বিক বিশ্লেষণে বলা হয়েছে, গারোরা যে ভাষায় কথা বলে তা মূলত সিনো-টিবেটান ভাষার অন্তর্গত। গারোদের কোনো লিপি বা অক্ষর নেই।

৩) জনসংখ্যা : বাংলাদেশে মোট গারো আদিবাসীর সংখ্যা ৮০,০০০ এর মতো। এর মধ্যে ময়মনসিংহে ৫০,০০০ এবং টাঙ্গাইল মধুপুর গড়ে ২০,০০০ গারো বাস করে। ঢাকা, রংপুর এবং সিলেট অঞ্চল মিলে প্রায় ১০,০০০ গারো বাস করে।

৪) নরগোষ্ঠীগত পরিচয় : গারোরা মূলত মঙ্গোলয়েড নরগোষ্ঠীর অন্তর্গত। এদের মুখাকৃতি গোলাকার ও চেপ্টা, নাক প্রশস্ত, কপাল ক্ষুদ্রাকৃতির, কান বড় এবং ঠোঁট মোটা, চুল কালো ও কোঁকড়ানো, উচ্চতা ৫ ফুট-এর মতো।

৫) ধর্ম : গারোদের ধর্মের নাম সাংসারেক। বাংলাদেশের ৯০% গারোরাই খ্রিস্টান। গারোরা হিন্দুদের মতো পূজা করে। এরা “ওয়াংলা” পূজার প্রাধান্য বেশি দিয়ে থাকে। এরা পুনর্জন্মে বিশ্বাসী।

৬) শিক্ষা : বাংলাদেশের গারোরা খ্রিস্টান মিশনারীতে শিক্ষা লাভ করছে। বাংলাদেশি গারোরা বাংলা হরফে গারো ভাষা শিখছে। বর্তমানে ২৯% গারে শিক্ষিত।

৭) পরিবার : গারো পরিবার মাতৃসূত্রীয়। সম্পত্তি ও বংশ নাম মাতৃধারায়। মাতা থেকে মেয়েতে বর্তায়। বিবাহের পর দম্পতি স্ত্রীর বাবার গৃহে বসবাস করে। ইদানিং কিছু শিক্ষিত দম্পতি স্বামীর পিতার গৃহে বাস করে। পরিবারের সম্পত্তির মালিক স্ত্রী, তবে ব্যবস্থাপনার মালিক স্বামী।

৮) বিবাহ : গারো সমাজে যুগল বিবাহ রীতিই বেশি লক্ষ্য করা যায়। তবে বহু স্ত্রী বিবাহ একেবারে অজানা নয়। গারো বিবাহে কন্যাকে কোনো পণ দিতে হয় না এবং স্বামীও যৌতুক পায় না, বিবাহ বিচ্ছেদ কম।

৯) খাদ্য : গারো হাঁস, মুরগি, গরু, ছাগল, শূকর প্রভৃতি খায়। মদ তাদের অপরিহার্য পানীয়।

১০) অর্থনীতি : সরকারি করণে ১৯৫০ সালের পর থেকে গারোরা জুম চাষ ত্যাগ করে হাল কৃষির সাহায্যে ধান, নানা জাতের সবজি ও আনারস উৎপাদন করছে। এর পূর্বে জুম চাষই ছিল গারোদের প্রধান অর্থনৈতিক ভিত্তি।

১১) পোশাক : পোশাক-পরিচ্ছদ গারোদের বিশেষ বাহুল্য নেই। পুরুষেরা ধুতি, মেয়েরা ব্লাউজের মতো বুকে কাপড় ও লুঙ্গির মতো টুকরো কাপড় পরিধান করে।

১২) সমাজ পরিবর্তন : গারো সমাজ নানা কারণে পরিবর্তিত হচ্ছে। কৃষিতে নতুন পদ্ধতি গ্রহণ, বাজার অর্থনীতিতে প্রবেশ, প্রতিবেশী বাঙালি সমাজের সাথে যোগাযোগ, খ্রিস্টধর্ম গ্রহণের ফলে গারো সমাজে পরিবর্তন প্রক্রিয়া অব্যাহত রয়েছে।

*** ৩। বাংলাদেশের প্রাচীন সংস্কৃতির ঐতিহ্য হিসেবে ময়নামতির প্রত্নতাত্ত্বিক নিদর্শনের বর্ণনা দাও।

বাকশিবো- ২০১৪'পরি, ১৭, ১৯, ২০

উত্তর : প্রাচীন বাংলার বৌদ্ধ সভ্যতার অন্যতম প্রত্নতাত্ত্বিক নিদর্শন হলো কুমিল্লার ময়নামতি। কুমিল্লা জেলা শহরের প্রায় ৮ কিলোমিটার পশ্চিমে ময়নামতি অবস্থিত। সেখানে উত্তর-দক্ষিণে প্রায় ১৭ কিলোমিটার ব্যাপী ময়নামতি লালমাই পাহাড়ি অঞ্চলে অবস্থিত। এ ব্যাপক অঞ্চলে খনন কাজের জন্য ৫০টিরও বেশি স্থান চিহ্নিত হয়েছে। তার মধ্যে ৯টি স্থানে সীমিত পরিসরে খনন কাজ হয়েছে। এগুলোর মধ্য শালবন বিহার, আনন্দ বিহার, কুটিল মুড়া, ভোজ বিহার উল্লেখযোগ্য। বাংলার এ অঞ্চলে বৌদ্ধ সভ্যতার উদ্ভব, বিকাশ ও ধ্বংসের একটি অন্যতম প্রত্নতাত্ত্বিক নিদর্শন হলো ময়নামতি।

নিম্নে ময়নামতির প্রধান প্রধান নিদর্শন সম্পর্কে আলোচনা করা হলো :

১) **শালবন বিহার :** কুমিল্লা শহর থেকে ৬ মাইল পশ্চিমে ময়নামতি লালমাই পাহাড় শ্রেণির মাঝামাঝি এলাকা শালবন ঘেরা যে প্রত্নতাত্ত্বিক নিদর্শন আবিষ্কৃত হয়েছে তার নাম শালবন বিহার। বৌদ্ধ বিহারের ভিক্ষুদের বসবাসের জন্য ১১৫টি কক্ষেরও নিদর্শন চিহ্নিত করা গিয়েছে। যা মন্দিরের চারদিক ঘিরে রেখেছে। যদিও আকারে কিছুটা ছোট তথাপি পরিকল্পনার দিক থেকে শালবন বিহারটি রাজশাহীর পাহাড়পুর বিহারের সাথে তুলনা করা চলে।

বস্তুত শালবন বিহারের বৈশিষ্ট্য হচ্ছে এই যে,

- i) এটা একটি বিরাটায়তনের বৌদ্ধ বিহার,
- ii) বৌদ্ধ ভিক্ষুদের জন্য পরিকল্পিত আবাসিক ব্যবস্থা
- iii) পূজা-অর্চার সুব্যবস্থা ও ধর্মসভা আয়োজনের জন্য হলঘর।

২) **কোটিল মুড়া :** শালবন বিহার থেকে ৩ মাইল উত্তরে ক্যান্টনমেন্ট এলাকায় আবিষ্কৃত নিদর্শনটির নাম কোটিল মুড়া।

৩) **আনন্দ বিহার :** ময়নামতিতে যেসব বৌদ্ধ নিদর্শন আবিষ্কৃত হয়েছে তার মধ্যে আনন্দ বিহারই সর্ব বৃহৎ। এ বিহার টি যে টিবিতে অবস্থিত তাকে স্থানীয়ভাবে আনন্দ রাজার বাড়ি বলেই সবাই জানে।

ময়নামতিতে আবিষ্কৃত প্রাচীন নিদর্শনাবলি :

ময়নামতিতে প্রত্নতাত্ত্বিক খনন কাজ হতে যেসব প্রাচীন সম্পদ আবিষ্কৃত হয়েছে তা বাংলার সামাজিক, রাজনৈতিক অবস্থা এবং জনজীবনের একটি চিত্র ফুটে ওঠে। ময়নামতিতে আবিষ্কৃত প্রাচীন সম্পদের মধ্যে আটখানা তাম্রশাসন, স্বর্ণমুদ্রা ও অলংকার, বহু রৌপ্যমুদ্রা, ব্রোঞ্জ নির্মিত বুদ্ধ মূর্তি,

পোড়ামাটির ফলকচিত্র, কারুকার্যখচিত ইট, পাথর তামার পাত্র এবং দৈনন্দিন জীবনের ব্যবহার্য দ্রব্যসামগ্রীর নাম উল্লেখযোগ্য।

